

名賢詩評序

不佞自束髮時即好讀古文辭日取古

人籍而讀之鉤其微抉其精冀馳騁

乎作者之場垂空名於不朽竟以善病

不能窮日夜之力至於杜門伏枕則大

憤以無所表見為恨又往往落魄不

堪游大人間即有過從或意有不合輒



避匿不出以故蓬蒿没人門迹蕭然將
逃於玄虛以自老而海內矣豪若厯下
李于鱗吾婁東王元美吳興徐子與
諸先生臭味相同雅聞不佞名輒私相謂
曰菰蘆中有若人哉時枉車騎儼然臨
之握手如平生驩然諸先生標作者之
壇擅人倫之雋不佞因而商訂風雅考證

古今承緒論可稱絕倒無論玉屑滿座
塵尾盡落矣然古今譚執者無慮數十
家甲是乙不此瑕彼瑜共存稱賞互有彈
駁而持論卒無定不佞取諸說之異同而
折衷之編次成帙凡二十卷題曰名賢詩評
間以質之諸先生諸先生皆韙之遂藏之
篋笥夫自漢魏迄於今若干禩代不乏人

人不乏語可一覽而盡泛瀾執海含咀詞腴
口為雌黃筆代衮鉞賞者解頤聞者鼓掌
知我罪我其在斯乎昔揚子雲著太玄人
皆笑之子雲曰世不我知無害也後世復有
子雲必好之矣今自大風歌以下諸作者將
不目諸譚執者為後世子雲乎若不佞則又
諸譚執者之後世子雲矣

古吳俞允文仲蔚甫撰

名賢詩評凡例

一自大風歌以下凡如干篇代更數人人更數首固不能盡紀詩家一無遺錄而声律之變上下千餘載可槩見矣

一詩有歌有吟有辭有曲有古風排律樂府絕句長短句摠之抒發性靈描寫景物各以類次附於左固不必拘其時論其人也

一詩有紀朝賀題勝遊謝賜送行懷故追贈追和次韻聯句等類或後先相感彼此相續者並附載一諸賢評隲如一人之筆此誦其美彼摘其瑕如一

名賢詩言 斤何
篇之中甲以為是乙以為不衆口雌黃漫無定衡
姑兩存之以俟夫善識詩者

一諸賢姓氏之下各係以摠評或援據其事跡或模
擬其情趣或形容其梗槩至一篇互有品題一句
各有褒貶人不一評評不一語並載

一凡音字如大作泰帥作率女作汝欵乃作襖靄假
借之類若上平去入轉注之類各細鐫之以便覽
云

一名山勝水如西湖峴山瀑布之類往々兩地相同
俱一一考證分註

一古今詩凡三變自漢魏以上為一等自晉宋間顏
謝以後下及唐初為一等自沈宋以後定著律詩
下及於宋又為一等然唐以前為詩者固有高下
而法猶未變至律詩出而後詩之法皆大變無復
古人之風矣茲始於漢迄於宋見文章與時高下
云

名賢詩話目錄

卷之一

漢高帝

大風歌

附馮驩彈鋏歌

附荆軻易水歌

附虞舜南風歌

附夏人歌

附虞夏歌

鴻鵠歌



項羽

垓下歌

漢武帝

秋風辭

栢梁臺詩

附宋孝武帝華林園效栢梁體詩

附梁武帝清晨殿效栢梁體詩

附唐中宗移仗蓬萊宮御大明殿會吐蕃騎

馬之戲因重為栢梁體

古詩十九首

蘇少卿

詩四首

李子卿

與蘇武三首

卷之二

班婕妤

怨歌行

附江淹班婕妤扇

張平子

四愁詩 四首并序

附傅玄擬四愁詩并序

魏武帝

短歌行

苦寒行

魏文帝

雜詩

魏甄后

塘上行

附白頭吟

曹子建

七哀詩

贈白馬王彪 七首

三良詩

附王粲三良詩

附陶淵明詠三良詩

附柳子厚詠三良詩

王仲宣

七哀詩

從軍詩

阮嗣宗

詠懷詩十三首

嵇叔夜

幽憤詩

卷之三

晉左太冲

招隱詩

詠史詩

石崇季倫

王明君辭

思歸引

附劉琨重贈盧諶

曹顏遠

感舊詩

郭景

遊仙詩七首

陶淵明

飲酒

附東坡和淵明飲酒

附荆公效淵明

卷之四

陶淵明

飲酒

附杜子美遭田父泥飲美嚴中丞

附東坡和淵明詩

責子

附杜子美遣興

問來使

辛丑歲七月赴假還江陵夜行塗口作

桃源

附王介甫桃源行

歸田園居

止酒

挽歌辭

附秦少游自作挽詞

宋謝靈運

述祖德詩

登池上樓

初去郡

石壁精舍還湖中一首

卷之五

謝玄暉

九日從宋公戲馬臺集送孔令詩

附謝靈運九日從宋公戲馬臺集送孔令詩

鮑明遠

行路難四首

東武吟

出自薊北門行

齊謝玄暉

暫使下都夜發新林至京邑贈西府同僚

之宣城郡出新林浦向板橋

晚登三山還望京邑

附太白金陵城西樓月下吟

直中書省

梁武帝

白紵辭

江文通

擬休上人怨別

附謝靈運南樓中望所遲客一首

蕭愨彥卿

秋思

卷之六

杜子美

和賈至早朝大明宮

附賈至朝大明宮呈兩省寮友

附王維和朝大明宮

附岑參和朝大明宮

野人送朱櫻

附韓退之謝賜櫻桃

九日藍田崔氏莊

同谷歌凡七章今因朱晦菴跋語錄其一

絕句

附唐人絕句

附東坡題真州范氏溪堂

春望

人日

春日憶李白

附太白戲子美

渡江

遊子

八陣圖

登岳陽樓

新月

戲作花卿歌

秋雨嘆

江畔獨步尋花

附東坡記林氏塏

示宗武

附韓退之示兒

夢李白二首

春水生

附曾空青清樾軒二絕

杜鵑

杜鵑行

登慈恩寺塔

絕句三首

漫興

羗村

嚴公仲夏枉駕草堂兼携酒饌得寒字

附東坡詩

附老杜詩

附韋蘇州詩

縛雞行

附黃魯直水仙花

附東坡二虫詩

卷之七

李太白

望廬山瀑布

附東坡廬山瀑布

附徐凝瀑布

答山中俗人

金陵酒肆留別

榜峰頂寺

附楊大年絕句

登鳳凰臺

附崔顥題黃鶴樓詩

鸚鵡洲詩

烏夜啼

烏棲曲

永王東巡歌

古詩

襄陽歌

清平調辭三章

宮中行樂詞

此詞有八會錄其三

詠鸚鵡

安陸白兆山桃花岩寄劉侍御綰

關山月

春夜洛城聞笛

聽黃鶴樓吹笛

潯陽紫極宮感秋

附蘇東坡和

附黃山谷和

附劉後村和

附謝疊山和

金陵城西樓月下吟

附峨眉山月歌

附謝玄暉晚登三山還望京邑

姑熟溪

卷之八

韋蘇州

答鄭騎曹重九求橘

杜司空席上

陪王郎中尋孔徵君

和晉陵陸丞早春遊望

滁州西澗

寄全椒山中道士

附東坡和韋蘇州詩

送宮人入道

附項斯送宮人入道

凌霧行

郡中與諸文士讌集

劉禹錫

烏衣巷

金陵石頭城

玄都觀贈看花諸君子

再遊玄都觀

生公講堂

竹枝歌

楊柳枝辭

附楊巨源折楊柳

酬柳子厚家雞之贈

附子厚寄劉夢得

附陳后山紀徐僊效黃山谷書

附蘇東坡酬柳氏二外甥求筆蹟

觀棊歌送僊師西遊

附東坡觀棊詩

看牡丹

附東坡吉祥寺賞牡丹

贈白樂天

卷之九

韓退之

至壽陽驛

鎮州初歸

示姪孫湘

贈張籍

贈同遊

附梅聖俞四禽言詩

早春

附東坡初冬詩

方橋

和裴晉公

聽穎師彈琴

附東坡聽賢師琴詩

答張功曹

署

附張功曹詩

古意

附白樂天月中桂

柳子厚

漁父詞

附元次山欵乃曲

江雪

附鄭谷雪詩

酬王二十舍人雪中見寄

晨詣超師院讀禪經

南澗

王摩詰

送元二使安西

南山遣興

附杜子美江亭

輞川六言

附王縉別輞川

秋雨輞川庄作

山中

山中送別

附詩

書事

附荆公絕句

聞逆賊凝碧池作樂

卷之十

李義山

錦瑟

對雪

賈生

附林和靖書壽堂壁

馬嵬驛

宮詞

九日謁令狐綯不見

月桂

登樂遊原

附程明道修禊事

王建

宮詞

宮詞

宮詞

宮詞

附花藥夫人宮詞

宮詞

解王守澄

望夫石

附劉禹錫望夫石

附郭功父望夫石

唐昌觀玉藥花

附傅子容絕句

附劉禹錫玉藥

附張籍唐昌觀玉藥

附白居易集賢院玉藥

附黃魯直戲詠高節亭山礬花

杜牧之

赤壁

題烏江亭

附王介甫題烏江亭

宮詞

九日齊山

悵別

附田畫詩

遣懷

李司徒席上

附東坡寄李公擇

絕句

絕句

附羅鄴絕句

華清宮

木蘭廟

附樂府木蘭詞

附後村木蘭詩

張祐聯句

趙使君

附元厚之哀曹觀

卷之十一

孟東野

贈別崔純亮

附高蟾下第獻高侍郎

登第

遊華山雲臺觀

泛黃河

審交

賈浪仙

渡桑乾

赴長江道中

題裴晉公第

題李欵幽居

下第

過海聯句

自註

哭柏岳和尚

孟浩然

歲暮歸南山

宿葉師山房期丁鳳進士不至

臨洞庭湖

附許崇過洞庭湖

夜歸鹿門寺歌

附岑參巴南舟中即事

訪天台

附李太白夜泊牛渚懷古

附山谷題浩然畫像

卷之十二

盧玉川

有所思

山中

附王介甫小舫

示添丁

走筆謝孟諫議寄新茶

附范希文和章岷從事鬪茶歌

醉歸

鄭谷

柳

海棠

吊僧

十日菊

附王荊公和晚菊

李長吉

金銅仙人辭漢歌

高軒過

鴈門太守

將進酒

卷之十三

唐彥謙

過長陵題高廟

附僧惠洪詩

仲山

韓致元

謝人惠含桃

附韓子蒼謝人惠茶

寒食夜

偶題

雷公

附朱喬年冬乾

附朱文公聞雷有感

杜荀鶴

宮詞

溪興

附韓致元醉著

附葛亞卿集句

聞子規

贈僧

時世行

陸龜蒙

別離

自遣

古意

宮人斜

薛能

絕句

吳姬

宋竹林亭

附鄭谷感興

省試夜

附韋永貽試罷

王駕

晴景

古意

張祐

孤山寺

無錫縣惠山寺

金山寺

附孫魴金山寺

郵亭

卷之十四

白樂天

內直

附洪咨夔宣鎮

咸陽原上草

履道居

絕句

昭君詞

書天竺寺

附東坡天竺寺

賀張籍

元微之

行宮絕句

附楊汝士壓倒元白詩

李涉

再葺夷陵幽居

登山

竹裏

附東坡詠於潛僧綠筠軒

王播

題揚州木蘭院

附東坡戲作

附魏野題僧寺

韓翃

寒食

附沈佺期驩州不作寒食

附崔德符和呂居仁九日

附宋子京九日食糕

張繼

楓橋夜泊

附皇甫冉宿嚴維宅

附劉彥冲景陽鍾

卷之十五

歐陽公

廬山高贈同年劉凝之歸南康

明妃曲和王介甫作

附王介甫明妃曲

會老堂會趙公

附會老堂口號

西湖

雪中會客賦詩

附東坡聚星堂雪

附東坡雪後書北堂壁

附東坡次子由韻效歐陽體

送李留後知鄆州

六月十四夜飛蓋橋翫月

謝判官幽谷種花

寄秦州田元珍

唐崇徽公主手痕

戲答元珍

秋懷

鷺

溫成皇后閣春帖子

又端午帖子

附司馬溫公太皇太后閣春帖子

又皇后閣春帖子

又夫人閣帖子

附真西山宮帖

附王岐公夫人閣端午帖子

卷之十六

王荆公

和御製賞花釣魚韻

附御宴賞花釣魚賜詩

附韓稚圭琦和詩

附鄭毅夫獬和詩

南浦

北山

木末

茅簷

鍾山絕句

又

歲晚

鍾山官牀與客夜坐

附東坡宿餘杭山寺

過外弟飲

兼并

書山石辭

附黃山谷題山谷石牛洞

寄蔡氏女

遊金山

題西太一宮壁二首

附東坡次荆公韻二首

題江寧驛舍

即事

道旁大松人取為明

君難托

送呂望之赴臨江

紅梅

梅花

卷之十七

蘇東坡

次韻穆文尚書侍祠郊丘瞻望天光退而相

慶引滿醉吟

寄藏春塢

賀陳述古弟章生子

張子野年八十五尚聞買妾述古今作詩
戲徐君猷孟亨之不飲

朝雲詩

復出東門

過嶺而北次前韻

贈子真秀才

戲問章質夫

贈惠山僧惠表

韓康公座上侍兒求書扇

澄邁驛通潮閣

嶺外

送蜀人張師厚殿試

次元長老韻

海棠

定惠院海棠

次韻江晦叔

息軒

中秋月

東欄梨花

發廣州

書鄆陵王主簿折枝

鬱孤臺和許朝奉

月夜與客飲酒杏花下

追和小由韻

附唐人詠劔池

縱筆

題織錦圖回文三首

附夢回文二首

席上代人贈別

和劉道原

習射放鷹

送劉放通判泰州

送曾鞏通判越州

御史獄中遺子由

卷之十八

黃山谷

古詩二首上蘇子瞻

送王郎

寄黃幾復

題竹石牧牛

題鼎以道雪鴈圖

廣陵早春

附杜牧之有所見

用前韻寄楊定國

題伯時畫嚴子陵釣灘

姨母李夫人墨竹

謫居黔南十絕

題畫睡鴨

姪相隨知命舟行

病起荆江亭即事

題小景扇

鄂州南樓即事

達觀臺

題李氏園壁

登岳陽樓望君山

附劉禹錫望洞庭

附應陶望君山

陳后山

妾薄命二首

南望先生挽詞二首

次韻答邢君實一首

丞相温公挽詞三首

雪後黃樓寄負山居士

送蘇公知杭州

送秦觀

和江秀才獻花

次韻李節推九日登高

次韻秦少游春江秋野圖

絕句

歸鴈

寄外舅郭大夫

附戴式之思家用后山韻

卷之十九

梅聖俞

老人泉

寄馬遵

逢賣梅花

五側體

蘇子美

夏意

絕句

附鄭毅夫田家

獨步滄浪亭

附歐陽公滄浪亭詩

遊太湖

乘虹亭觀月

石曼卿

金鄉張氏園亭

下第偶成集句

又集句

張文潛

絕句

田家詩

秦少游

秋意題邢敦夫扇

牽牛花

晚出右掖門

獻東坡

暢道姑

納涼

邗溝

和參寮

郭功甫

金山行

附梅聖俞采石月贈郭功甫

鳳凰臺次太白韻

訪隱者

山寺老僧

西村

陳簡齋

和張規臣水墨梅三絕

五言

海棠

感事

題池亭

劉大資挽詩二首

重陽

次韻周教授秋懷

韓子蒼

題畫太一真人

題畫宮女

附東坡續麗人行

真妃上馬圖

代葛亞卿作

附徐師川跋子蒼代葛亞卿詩

送宜黃丞周表卿

進退韻近體

附李師中送唐介

過汴河

魏處士

書友人屋壁

尋隱者不遇

附僧無本訪隱者不遇

謝寇萊公見訪

上王相公

附亡名氏獻韓魏公

上知府寇相公

卷之二十

林和靖

山園小梅

梅花

附何遜早梅

書孤山隱居壁

詠退筆

王黃州

春日雜興

錫宴明日

清明

滁州寄舊僚

商州

寇萊公

春日登樓懷歸

江南春二首

春日書懷

春晝偶書

張乖厓

寄傅霖逸人

答傅逸人

附傅逸人贈張忠定

寄陳希夷

晏元獻

示張寺丞王校勘

寓意

弔劉蘇哥

司馬溫公

真率會

用前韻再成

居洛初夏作

過邵康節居

附康節和溫公韻

候康節

閑居

夏日西齋書事

范文正公

贈釣者

十四夜月

釣臺

賀方回

茅塘馬上

望夫石

謝無逸

送董元達

寄隱居士

鐵柱觀

續潘邠老句

劉貢父

詠史

附曹松已亥歲

絕句

附劉原父春草

附羅鄴賞春

絕句

名賢詩評目錄終

名賢詩評

目錄

卷

三十

名賢詩評卷之一

俞允文仲蔚編輯

李仲芳白甫刪定

漢高帝

帝姓劉諱邦字季沛人豁達大度寬仁愛人好謀能聽知人善任五載而成帝業雖

日不暇給規模宏遠矣然不事詩書禮文制度大抵襲秦

劉勰云高祖尚武戲儒簡學雖禮律草創詩書

未遑然大風鴻鵠之歌亦天縱之英作也

大風歌

高祖擊黥布還過沛宮悉召故人父老子弟佐酒酒酣上擊筑自歌

大風起兮雲飛揚威加海內兮歸故鄉安得猛士兮

守四方

宋晦菴云此歌正楚聲也亦名三侯之章文中
子曰大風安不忘危其霸心之存乎美哉乎其
言漢之所以有天下而不能三代其以是夫然
自千載以來人主之詞未有若是壯麗奇偉者
也

石林詩話云張文定安道未第時貧甚衣食殆
不給然意氣豪舉未嘗少貶與劉潛李冠石曼
卿往來山東諸郡任氣使酒見者皆傾下之沛
縣有漢高祖廟并歌風臺前人題詩甚多無不
推頌功德獨安道高祖廟詩曰縱酒踈狂不治

生中陽有士不歸耕偶因亂世成功業更向翁
前與仲爭又歌風臺曰落魄劉郎作帝歸樽前
感慨大風詩淮陰反接英彭族更欲多求猛士
為

西郊野叟詩話云漢高帝大風歌不事華藻而
氣槩遠大真英主也至武帝秋風辭言固雄偉
而終有感慨之語故其末年幾至於變魏武魏
文父子橫槊賦詩雖道壯抑揚而乏帝王之度
六朝以後人主言非不工而纖麗自逞無足言
也

藝苑卮言云大風三言氣籠宇宙張千古帝王
赤幟高帝拔漢武故是詞人秋風一章幾於九
歌矣

香字外集云彈鋏歌一句易水歌二句大風歌
三句南風歌四句夏人歌五句虞夏歌六句夫
歌以永言今只此數篇略略數句而聖賢王伯
俠士婦人氣象自別又何必連篇累牘以辭相
侈哉

附馮驩彈鋏歌

長鋏歸來乎食無魚

長鋏歸來乎出無輿

長鋏歸來乎無以為家

史記馮驩聞孟嘗君好客躡蹻而見之孟嘗君
曰先生遠辱何以教文也馮驩曰聞君好士以
貧身歸於君孟嘗君置傳舍十日孟嘗君問傳
舍長曰客何所為答曰馮先生甚貧猶有一劍
耳又蒯緤彈其劍而歌曰長鋏歸來乎食無魚
孟嘗君遷之幸舍食有魚矣五日又問傳舍長
答曰客復彈劍而歌曰長鋏歸來乎出無輿孟
嘗君遷之代舍出入乘輿車矣五日孟嘗君復

問傳舍長舍長答曰先生又嘗彈劍而歌曰長
鋏歸來乎無以為家

附荆軻易水歌

風蕭蕭兮易水寒壯士一去兮不復還

史記燕太子丹患秦攻伐無已使軻入秦刺秦
王將發太子及賓客皆白衣以送之至易水之
上既祖取道高漸離擊筑荆軻和而歌為變徵
之聲士皆垂涕又為羽聲愜慨士皆瞋目髮盡
上指冠

附虞舜南風歌

樂記云舜作五絃之琴而歌南風家語亦記舜
彈五絃之琴造南風之詩

南風之薰兮可以解吾民之愠兮南風之時兮可以
阜吾民之財兮

太史公曰南風者生長之音也舜樂好之樂與
天地同意得萬國之歡心故天下治也

附夏人歌

去盡歸乎薄薄亦大矣 夏人

覺兮較兮吾大命格兮去不善而善何不樂兮 伊尹
江水沛兮舟楫敗兮我王廢兮趣歸於薄薄亦大兮

樂兮樂兮四牡驕兮六轡沃兮去不善而後善何不
樂兮

尚書大傳曰夏人飲酒醉者持不醉者不醉者
持醉者而歌曰云云伊尹退而更曰云云薄湯
之都也

附虞虞歌

虞音刻
虞音移

百里奚五羊皮憶別時烹伏雌炊糜糜今日富貴忘

我為

百里奚名虞人也亡之秦為楚鄙人所執穆
公以五羖羊皮贖之授以國政號五羖大夫伏

雌母雞虞
虞門闕也

風俗通云百里奚為秦相堂上樂作所賃澣婦

自言知音因呼之援琴撫絃而歌問之乃其故
妻還為夫婦

鴻鵠歌

鴻鵠高飛一舉千里羽翼已就橫絕四海又可柰何
雖有矰繳尚安所施

史記曰高祖欲廢太子立趙王如意呂后彊留
侯畫計留侯曰此難以口舌爭也願上有不能
致者四人四人來則一助也於是呂后使人奉
太子書卑辭厚禮迎此四人四人至客建成侯
所上從擊破黥布軍歸置酒太子侍四人從太

子年皆八十有餘鬚眉皓白衣冠甚偉上怪問
曰彼何為者四人前對各言名姓上乃大驚曰
吾求公數歲公辟逃我今公何自從吾兒游乎
四人皆曰陛下輕士善罵臣等義不受辱故恐
而亡匿竊聞太子仁孝恭敬愛士天下莫不延
頸願為太子死者故臣等來耳上曰煩公幸卒
調護太子四人為壽已畢趨去上目送之召戚
夫人指示四人者曰我欲易之彼四人者輔之
羽翼已成難動矣戚夫人泣上曰為我楚舞吾
為若楚歌歌曰鴻鵠高飛云云

項羽
垓下歌

漢書曰高祖圍項羽垓下是夜聞漢軍皆楚歌
驚曰漢已得楚乎起飲帳中有美人姓虞氏常
從駿馬名騅常騎乃悲歌忼慨自為歌詩數曲
美人和之羽泣下數行遂上馬潰圍南出平明
漢軍乃覺按琴集有力拔山操項羽所作也近
世有虞美人曲亦出於此

力拔山兮氣蓋世時不利兮騅不逝
騅不逝兮可柰何虞兮虞兮柰若何

藝苑卮言云：垓下歌正不必以虞兮為嫌悲壯，嗚咽與大風各自描寫帝王興衰氣象，千載而下，惟曹公山不厭高，老驥伏櫪，詞仲達天地開闢，差可嗣響。

漢武帝

名轍，景帝子，征伐四夷，海內虛耗，末年不免。輪臺之悔，帝雄才大略，使其不改文景之恭儉，以濟斯民，雖詩書所稱，何以加焉？在位五十四年，壽七十一。

劉勰云：孝武崇儒，潤色鴻業，禮樂爭輝，辭藻競鶩。栢梁展朝讌之詩，金堤製恤民之詠，徵枚乘以蒲輪申主父，以鼎食擢公孫，之對策，歎倪寬之凝奏，買臣負薪而衣錦，相如滌器而被繡，於

是史遷壽王之徒，嚴終枚臯之屬，應對固無方，篇章亦不匱遺，風餘采莫與比盛。

秋風辭

并序

上行幸河東祠后土，顧視帝京，欣然中流與群臣飲讌，上歡甚，乃自作秋風辭，辭曰：

秋風起兮白雲飛，草木黃落兮雁南歸。蘭有秀兮菊有芳，携佳人兮不能忘。汎樓船兮濟汾河，橫中流兮揚素波。簫鼓鳴兮發擢歌，歡樂極兮哀情多少。壯幾時兮柰老何。

文中子曰：秋風辭其悔心之萌乎。

休齋曰詩變而為騷騷變而為辭皆可歌也辭則兼詩騷之聲而尤簡邃焉者漢武作秋風辭一章三易韻其節短其聲哀此詞之權輿乎

栢梁臺詩

日月星辰和四時武帝駮駕駟馬從梁來梁王郡國士馬

羽林材大司馬霍去病病摠領天下誠難治丞相和撫四夷不

易哉大將軍刀筆之吏臣執之御史大夫撞鍾伐鼓聲

中詩太常宗室廣大日益滋宗正劉周衛交戟禁

不時衛尉總領從官栢梁臺光祿勳平理清讞決

嫌疑廷尉修飾輿馬待駕來太僕郡國吏功差次

之大鴻臚乘輿御物主治之少府王陳粟萬石揚管

箕大司農徼道宮下隨討治執金吾三輔盜賊天下

危左馮翊盜阻南山為民災右扶風外家公主不可

治京兆椒房率更領其材詹事蠻夷朝貢常舍其典屬

國柱枅榑欂相枝持大匠枇杷橘栗桃李梅大官走狗

走兔張罾置上林齧妃女唇甘如飴郭舍人迫窘詰屈

幾窮哉東方朔

藝苑卮言云栢梁為七言創始要以拙勝日月

星辰一句和者不及

又云漢時衛霍營平糾糾虎臣然栢梁詩如郡

國士馬羽林材和撫四夷不易其語無愧七言
風雅封建三王表及屯田諸疏兩漢文章皆莫
能及然三王表或是幕客所為栢梁歌詠咸依
位序獨驃騎在丞相前大將軍乃在丞相後去
病日貴此亦一徵外家公主不可治可謂諷諫
餘冬序錄云漢栢梁臺詩枇杷橘栗桃李梅韓
退之陸渾山火詩鴉鷓鷯雉鵠鷓陳后山二
蘇公詩桂椒栴櫨楓柞樟七物為句亦偶用耳
或謂詩多用實字為美誤矣

解頤新語云栢梁之後宋孝武華林曲水梁武
帝清晨殿元帝清言殿唐中宗內殿及移仗蓬
萊宮大明殿會吐蕃騎馬之戲皆同漢體惟魏
懸弧方丈竹堂讌饗則人各二句帝歌曰白日
光天兮無不曜江左一隅兮獨來照彭城王續
歌曰願從聖明兮登衡會萬國馳誠兮混內外
云云稍變前體

附宋孝武帝華林園效栢梁體詩

九宮盛事予旒纁

宋孝武帝

三輔務根誠難亮

揚州刺史江夏王臣

義策拙粉鄉慙恩望

南徐州刺史竟陵王臣

折衝莫效與民謗

領軍將軍

侍禁衛儲恩踰量

太子右

呂謬叨寵九流

曠吏部尚書呂莊喉唇廢職方思議侍中明筆直繩天威諒

御史中丞臣顏師伯

附梁武帝清晨殿效栢梁體詩

居中負宸寄纓紱梁武帝言慙輻輳政無術新安太守至

德無垠愧違弼侍中徐勉燮贊京河豈微物丹陽丞劉汎竊侍

兩宮慙樞密黃門侍郎柳澄清通簡要臣豈汨吏部郎中謝覽出入

惟宸濫榮秩侍中張卷複道龍樓歌懋實太子中庶子王峻空班

獨坐慙羊質御史中丞陸果嗣以書記臣敢匹右軍主簿陸倕謬參

和鼎講畫一司徒主簿劉洽鼎味參和臣多匱司徒左西屬江

附唐中宗移仗蓬萊宮御大明殿會吐蕃騎馬之

戲因重為栢梁體

大明御寓臨萬方中宗顧慙內政翊陶唐韋皇后鸞鳴鳳

舞向平陽長寧公主秦樓魯館沐恩光安樂公主無心為子輒

求郎太平公主雄才七步謝陳王溫王重茂當熊讓輦愧前芳

昭容再司銓管恩可忘吏部侍郎崔湜文江學海思濟航著作

郎鄭萬邦考績臣所詳考功員外郎武平一著作不休出中腸

著作郎權豪屏跡肅嚴霜御史大夫鑄鼎開嶽造明

堂將作大匠王醴由來獻壽觴吐蕃舍人明悉獵

藝苑卮言云中宗宴羣臣栢梁體帝首云潤色

鴻業寄賢才又大明御寓臨萬方和者皆莫及

然。是上官昭容筆耳。內薛稷云。宗伯秩禮天地。開長寧公主云。鸞鳴鳳舞。向平陽太平公主云。無心為子。輒求郎閭。朝隱云。著作不休。出中腸。差不愧古。

七修類稿云。嗚呼。此中宗所以點籌於韋后也。栢梁之作。君與臣下而已。未聞后與公主昭容可與也。太宗作宮詞。使虞世南和之。而虞尚以體非雅正。不奉詔。今君臣后妃外。及夷人雜然。賡酬恬不為怪。不知當時何無世南者也。

古詩十九首

鍾嶸云。古詩其體源出於國風。陸機所擬十四首。文溫以麗。意悲而遠。驚心動魄。可謂幾乎一字千金。其外去者。日以踈四十五首。雖多哀怨。頗為總襍。舊疑是建安中曹王所製。客從遠方。來橘柚垂華實。亦為驚絕矣。人代冥滅。而清音獨遠。悲夫。

皎然詩式云。西漢之初。王澤未竭。詩教在焉。昔仲尼所刪詩三百篇。初傳卜商。後之學者。以師道相高。故有齊魯四家之目。其五言周時已見。濫觴及乎成篇。則始于李陵蘇武二子。天與其

性發之自高未有作用十九首辭精義炳婉而成章始見作用之功蓋是漢之文體又如冉冉孤生竹青青河畔草傳毅蔡邕所作以此而論前漢明矣

又云鄴中七子陳王最高劉卽詞氣偏王其中不拘對屬偶或有之語與興驅勢逐情起作不由意氣格自高十九首其流一也

藝苑卮言云鍾嶸言行行重行行十四首文溫以麗意悲而遠驚心動魄幾乎一字千金後併去者日以踈五首為十九首或以為枚乘作洛

中何鬱鬱又似東京稍疑錯雜然非此老不能也談理不如三百篇而微辭婉旨遂足並駕是千古五言之祖

又云風雅三百古詩十九人謂無句法非也極自有法無階級可尋耳

行行重行行與君生別離相去萬餘里各在天一涯道路阻且長會面安可知胡馬依北風越鳥巢南枝相去日已遠衣帶日已緩浮雲蔽白日游子不復返思君令人老歲月忽已晚棄捐勿復道努力加餐飯

賢者不得於君退處遐遠思而不忍忘故作是詩

餘冬序錄云文中子曰鳥飛之鄉依其所生也
 楚辭鳥飛之故鄉狐死正丘首皆言不忘本也
 古詩胡馬依北風越鳥巢南枝張景陽詩疏流
 戀舊浦行雲思故山閩越衣文地胡馬願度燕
 風土安所習由来有故然陸士衡詩孤獸思故
 藪羈鳥悲舊林王仲宣詩狐狸馳赴壑飛鳥翔
 故林陶淵明詩羈鳥戀舊林池魚思故淵劉休
 玄詩寒蟬翔水曲秋兔依山基王正長詩人情
 懷舊鄉客鳥思故林皆此意含蓄有在韋應物
 詩流水赴大壑飛雲依故山而又云無情尚有

歸遊子不得還則斬無餘味矣
 解頤新語云古詩胡馬依北風越鳥巢南枝梁
 范雲詩越鳥巢北對胡風畏南枝借其意而反
 其辭亦一體也

青青河畔草鬱鬱園中柳盈盈樓上女皎皎當窓牖
 娥娥紅粉妝纖纖出素手昔為倡家女今為蕩子婦
 蕩子行不歸空牀難獨守

曾原謂此詩刺輕於仕
進而不能守節者得之

青青陵上栢磊磊澗中石人生天地間忽如遠行客
 斗酒相娛樂聊厚不為薄驅車策駑馬游戲宛與洛
 洛中何鬱鬱冠帶自相索長衢羅夾巷王侯多第宅

西宮遙相望雙闕百餘尺極宴娛心意戚戚何所迫
○今日良宴會歡樂難具陳彈箏奮逸響新聲妙入
神令德唱高言識曲聽其真齊心同所願含意俱未
伸人生寄一世奄忽若颼塵何不策高足先據要路
津無為守窮賤軼軻長苦辛

西北有高樓上與浮雲齊交疏結綺窓阿閣三重堦
上有絃歌聲音響一何悲誰能為此曲無乃杞梁妻
清商隨風發中曲正徘徊一彈再三嘆慷慨有餘哀
不惜歌者苦但傷知音稀願為雙鳴鶴奮翅起高飛
魯原曰此詩傷賢者忠言之不用而將隱也

涉江采芙蓉蘭澤多芳草采之欲遺誰所思在遠道
還顧望舊鄉長路漫漫浩浩同心而離居憂傷以終老
詳此豈枚乘久游於梁而不歸故有是言及孝王薨而乘歸則已老矣未幾武帝以安車蒲輪徵之竟死

于道明月皎夜光促織鳴東壁玉衡指孟冬當作秋衆星何

歷歷白露霑野草時節忽復易秋蟬鳴對間玄鳥逝
安適昔我同門友高舉振六翮不念携手好棄我如
遺跡南箕北有斗牽牛不負軛詩維南有箕不可以簸揚維北有斗不可以

以挹酒漿睨彼牽牛不以服箱良無磐石固虛名復何益
冉冉孤生竹結根泰山阿與君為新婚兔絲附女蘿

兔絲生有時夫婦會有宜千里遠結婚悠悠隔山陂
思君令人老軒車來何遲傷彼蕙蘭花含英揚光輝
過時而不采將隨秋草萎君亮執高節賤妾亦何為
賢者既出仕久而未見親用自傷不得及時行道以揚名後世將與碌碌庸人俱老死而無聞是以不忍斥言其君乃托新婚夫婦為喻而作是詩

劉勰云古詩佳麗或稱枚叔其孤竹一篇則傳
毅之詞比采而推西漢之作乎觀其結體散文
直而不野婉轉附物怙悵切情實五言之冠冕
也

芥隱筆記云古詩有思君令人老曹子建有沉

憂令人老其本出唯憂用老耳

庭中有奇對綠葉發華滋攀條折其榮將以遺所思
馨香盈懷袖路遠莫致之此物何足貴但感別經時

此懷朋友之詩因物悟時而感別離之久也

迢迢牽牛星皎皎河漢女纖纖擢素手札札弄機杼
終日不成章泣涕零如雨河漢清且淺相去復幾許
盈盈一水間脉脉不得語

迴車駕言邁悠悠涉長道四顧何茫茫東風吹百草
所遇無故物焉得不速老盛衰各有時立身苦不早
人生非金石豈能長壽考奄忽隨物化榮名以為寶

藝苑卮言云東風搖百草稍露崢嶸便是句法
為人所窺

東城高且長逶迤自相屬回風動地起秋草萋已綠
四時更變化歲暮一何速晨風懷苦心蟋蟀傷局促

晨風蟋蟀
皆詩篇名

蕩滌放情志何為自結束燕趙多佳人美

者顏如玉被服羅裳衣當戶理清曲音響一何悲絃

急知柱促馳情整巾帶沉吟聊躑躅思為雙飛燕銜

泥巢君屋

此不得志而思
仕進者之詩

今文選纂註今東城高且長為一首燕趙多佳
人為一首總名之曰古詩二十首未知是否

驅車上東門遙望郭北墓白楊何蕭蕭松柏夾廣路
下有陳死人杳杳即長暮潛寐黃泉下千載永不寤
浩浩陰陽移年命如朝露人生忽如寄壽無金石固
萬歲更相送賢聖莫能度服食求神仙多為藥所誤
不如飲美酒被服紈與素

去者日以踈來者日以親東郭門直視但見丘與墳
古墓犁為田松柏摧為薪白楊多悲風蕭蕭愁殺人
梁修仁新作大明宮植白楊於庭乃曰此木易
成數年可庇契苾何力誦古詩曰白楊多悲風
蕭蕭愁殺人驚悟更植以桐

生年不滿百常懷千歲憂晝短苦夜長何不秉燭遊
為樂當及時何能待來茲愚者愛惜費但為後人嗤
仙人王子喬難可與等期

芥隱筆記云古詩何能待來茲用呂氏春秋今
茲美禾來茲美麥注茲年也

談藝錄云生年不滿百四語西門行亦掇之古
人不諱重襲若相援耳魏武之掇鹿鳴是也若
太冲覽西門終篇固咸自鑠古詩然首尾語精
美可二也

凜凜歲云暮螻蛄夕鳴悲涼風率已厲遊子寒無衣

錦衾遺洛浦同袍與我違獨宿累長夜夢想見容輝
良人唯古歡枉駕惠前綏願得常巧笑携手同車歸
既來不須臾又不處重闌亭無晨風翼馬能凌風飛
眇眇以適意引領遙相睎徒倚懷感傷垂涕霑雙扉

此忠臣見棄而其愛君憂國之心不能
自己故托婦人思念其夫而作是詩

益冬寒氣至北風何慘慄愁多知夜長仰觀衆星列
三五明月滿四五蟾兔缺客從遠方來遺我一書札
上言長相思下言久離別置書懷袖中三歲字不滅
一心抱區區懼君不終察

客從遠方來遺我一端綺相去萬餘里故人心尚爾

文綵雙鴛鴦裁為合歡被著以長相思緣以結不解
以膠投漆中誰能別離此

明月何皎皎照我羅牀帷憂愁不能寐攬衣起徘徊
客行雖云樂不如早旋歸出戶獨彷徨愁思當告誰
引領還入房淚下霑裳衣

蘓武

字子卿杜陵人武帝天漢元年以中郎將使匈奴十九年不屈節初幽置大窖中卧嚙雪

與旃毛并咽之數日不死匈奴以為神徙之北海上使牧羝杖漢節卧起不舍節旄盡落會昭帝與匈奴和親得歸漢拜為典屬國至宣帝神爵二年卒年八十餘與功臣圖像麒麟閣

香字外集云蘓子卿李少卿之詩意遠詞高自

肇炎漢詩格渾之晉魏終竟不倫

詩四首

骨肉緣枝葉結交亦相因四海皆兄弟誰為行路人
况我連枝樹與子同一身昔為鴛鴦今為參與辰

昔者常相近邈若胡與秦惟念當離別思情日以新

鹿鳴思野草可以喻嘉賓我有一尊酒欲以贈遠人

願子留斟酌敘此平生親

此子卿別昆弟之詩

結髮為夫妻恩愛兩不疑歡娛在今夕燕婉及良時

征夫懷往路起視夜何其參辰皆已沒去去從此辭

行役在戰場相見未有期握手一長歎淚為生別滋

努力愛春華莫忘懽樂時生當復來歸死當長相思

此子卿出使
特別妻之詩

黃鵠一遠別千里顧徘徊胡馬失其羣思心常依依
何況雙飛龍羽翼臨當垂離皆也幸有絃歌曲可以喻

中懷請為遊子吟泠泠一何悲絲竹厲清聲慷慨有

餘哀長歌正激烈中心愴以摧欲展清商曲念子不

得歸俛仰內傷心淚下不可揮願為雙黃鵠送子俱

遠飛

此子卿在匈奴時得
漢而與李陵別之詩

藝苑卮言云子卿第三章絃歌商曲錯疊數語

十九首齊心同所願含意俱未申亦大重犯然

不害為古

燭燭晨明月馥馥秋蘭芳芬馨長夜發隨風聞我堂

征夫懷遠路遊子戀故鄉寒冬十二月晨起踐嚴霜

俯觀江漢流仰視浮雲翔良友遠別離各在天一方

山海隔中州相去悠且長嘉會難再遇懽樂殊未央

願言崇令德隨時愛景光

因遠遊南國將別朋
友而歸為賦此詩

李陵

字少卿隴西成紀人前將軍廣之孫也少為
侍中建章監善騎射為騎都尉天漢二年將

步卒五千擊匈奴轉鬪矢盡遂降虜漢於是族
其家單于以女妻之立為右校王在匈奴二十

餘年卒

鍾嶸云李陵詩其源出於楚詞文多悽怨者之

流陵名家子有殊才生命不諧聲頽身喪使陵

不遭辛苦其文亦何能至此

與蘇武三首

良時不再至離別在瀕更屏營衢路側執手野踟躕
仰視浮雲馳奄忽互相踰風波一失所各在天一隅
長當從此別且復立斯須欲因晨風發送子以賤軀
○携手上河梁游子暮何之徘徊蹊路側恨恨一作
不能辭行人難久留各言長相思安知非日月弦望
自有時努力崇明德皓首以為期

古人作詩酬答不忘規戒之意如李陵詩云努力崇明德皓首以為期蘇武詩云願君崇令德

隨時愛景光猶有三百篇之遺響後之作者多不然矣


嘉會難再遇三載為千秋臨河濯長纓念子悵悠悠
遠望悲風至對酒不能酬行人懷徃路何以慰我愁
獨有盈樽酒與子結綢繆

藝苑卮言云李少卿三章清和調適怨而不怒子卿稍似錯雜第其肯法亦魯衛也

又云蘇子瞻謂李陵三章亦偽作此兒童之見夫工出意表意寓法外令曹氏父子猶尚難之况它人乎

名賢詩評卷之一終





13972